







鴻苞序

今夫虛空之中忽然而有
天地天地之中有海嶽而
海嶽中有丘陵原隰溝
澮川瀆以及于一微一塵一
漚一沫自漚沫微塵浸糸

而。至。天。地。不。可。以。數。計。形。模。
也。而。揔。為。虛。空。之。所。苞。舉。
則。是。虛。空。者。之。為。物。孰。與。
妙。合。耦。對。哉。嘗。試。觀。之。
惟。人。之。靈。通。神。明。類。萬。物。
函。虛。躋。實。參。兩。天。地。而。稱。

三才○世人○徃○枉○桎○梏○束○之○波○
流○汨○之○故○子○輿○氏○有○不○能○
盡○其○才○之○嘆○世○有○才○子○而○後○
能○殺○列○虛○空○籠○絡○宇○宙○
堅○堅○之○為○功○而○精○溢○之○則○
為○言○屠○長○卿○先○生○所○著○

鴻苞一編是也長卿少負
不羈以文章卑自豪釋褐
成進士為青浦令時與馮
開之沈君典丁右武諸公相
頡頏青雲睥睨當世入為
儀曹郎仍以豪罷歸志

業不遂而益注其才情
於著作之林幾與弇州
新都輩爭流競爽晚乃
棲心于禪玄二氏又欲綜三
教之旨於一毫端時出而
為竺乾為柱下為尼山

罪乎落筆為花流液為
珠玄黃黼黻其辭以自愉
快于是析天人研性命剖兩
儀締萬類渙獵諸子網
羅百家以及齊諧七虞初叢
聚謔浪之譚凡書之所有

目之所濡喉舌之所吞吐盡
舉而載之於筆蓋其心靈
無所不映澈而其長才無
所不游徙其塊磊厯落之
氣不竟於名位而睥睨山
川揮灑詞賦猶不足以

滿其清湛浩蕩之寶讀
是編也不可謂長卿非才子
亦不可謂長卿不能盡其
才者已雖然神明往則靈
馬託馳驟歇而才安歸六
執猶為陳登玄釋不過

傳鄉音此編即稱博雅功
匡而謂為長卿易簡理
得之書不可也公選茅氏為
吾友水部薦卿之子博文
嗜奇可愛付剞劂屬予序
之以資同好者流覽兼愛

全書未加詮擇然予聞之
長卿辭世偈云生平一過
多言多語鴻苞等書付
之一炬嗚呼霜降木以落
則長卿之為長卿覩矣

庚戌春二月寓蕭居

士黃汝亨書於玉
岑山下



Blank page with faint vertical lines.

鴻苞居士傳

友人張應文成叔甫撰
自古文章之士其才人人
殊大小遲速奇正虛實各
繇所得諸天者成名於世

而其人亦人人殊上之大
聖賢下至垢士悖夫判若
霄壤而以文論並得列於
藝苑要以才大而品超身
共世游神與天合則吾友

鴻苞居士其庶乎居士姓
屠氏諱隆初字長卿後易
緯真別號赤水晚而著書
曰鴻苞因稱鴻苞居士焉
世居于鄞代有顯者至居

士舉萬曆丁丑進士出為
穎上青浦令治行第一遷
禮部儀制司主事以讒去
官林居二十載乙巳八月
二十五日病卒享年六十

四歲

明興作者之盛至

弘正嘉隆間有推李獻吉

何仲默唐應德王道思李

于鱗王元美汪伯玉諸公

萬曆中元美伯玉先後沒

海內遂推居士為詞宗居
士天才宏麗萬言立就未
嘗屬草讀書不攻苦而學
無所不窺吐詞捉筆萬斛
泉傾士相顧驚服晚留意

釋典鴻苞所繇著焉其書
以參合三教為本網羅宇
宙古今精入造化散及名
物微言奧義率宇內所未
有而能暢其詞令讀者渙

然冰釋所開示來學甚多
世競崇居士詩文甚識是
書者居士亦頗秘之居士
為人清韶性儻蕩無纖芥
不疑人欺輕財好施出于

天性自其為貧諸生羸一
金輒與朋友共或詭為逋
負居士心知之弗言也坐
不可一日無客客無雅俗
咸禮接即生平背憎懷卻

者詭自前無間也頗樂豪華不問瓶粟罄而張聲伎娛客窮日夜世因疑居士治生踈脫接物瞶瞶絕血味而日開尊皆所不解張

子曰余觀列僊傳神仙多
混迹自穢世莫測之乃其
所以為仙彼固自知率之
世亦知為僊此必有終見
信于世者仙之足終信于

世必不在倣詭幻恠之奇
亦明矣居士寓形人倫之
內游神八極之表其所為
徒者天所緣督者人人間
世重脩名故著善者稱焉

夫執斯術以賈名于世甚
易而居士有所不屑也以
故居士之實其可為當世
立名者畢其身而世卒莫
之與有愛居士者曰請子

毋廣交毋悅音毋輕作薦
書毋妄散金錢杜門尊晦
以需世用且完名居士不
答世或詫其文亦或異其
為人或曰赤水真人或曰

溟滓子或曰南宮仙史或
曰文昌遷客居士亦不答
寢疾數日不火食命其子
玉衡曰吾將歸矣其薄歛
殺俗禮勿溷我援筆作辭

世詞其一曰六十年中常
思過咎頗有身瑕寔歉心
垢其二曰生平一罪多言
多語鴻苞等篇盡付一炬
其三曰一片熱腸天下所

信烈士不欺天下所印其
四曰生平人欺我不欺人
矯誣有罪匪我之因其五
曰譚何容易一絲不掛古
人臨行說句大話其六曰

去亦何難只難苦痛四大
如此要他何用其七曰紅
杏枝頭白雲堆裏善爽清
靈亦自可喜其八曰萬事
瓦裂無一足取只六十秋

足矣足矣書畢脩然而逝
此其為鴻苞居士云其書
有由拳集十卷白榆集十
二卷栖真集十卷泠然艸
二卷橫塘集二卷南游艸

二卷破迷論一卷娑羅館
清言一卷佛法金湯二卷
發矇編一卷荒政考一卷
行于世絳雪樓文部十卷
詩部十卷并鴻苞四十八

卷末受梓子玉衡余壻也
才奇雋能世其家
論曰孔門四科非十弟子
有能有不能也各標所長
以列科耳緯真孝友篤至

談議清辨下蔡由奉之政
號曰神君儻游洙泗可附
諸游夏之科乎而靈心慧
性直透悟門使獲與聞性
道之旨必有大闡發也惜

乎其不專以儒名也

贊曰緯真文士明習為吏

篤信玄解密娛道秘混沌

清虛逍遙游戲捐彼小慧

洞廓大智

歐陽文忠公

歐陽文忠公

歐陽文忠公

歐陽文忠公

傳

鴻苞集目錄

卷之一

二儀說

天解

地解

天言

說天

卷之二

天道生物

目錄

一

天形地氣

天不言

天地

天地道大

大地山川

天地精華之氣

理數

道化

理氣

形氣

罡氣

造物微權

陽九百六

寒暑

天界

雷神

金陵

卷之三

目錄

二

九州風土

輿圖要略_上

卷之四

輿圖要略_下

卷之五

大臣著龜

明目達聰

砥障

延祚

保邦

人臣體國

無慾

選舉

用人

禮

奇兵

○南北備倭策

卷之六

兵

荒政考

古今官制沿革

卷之七

古今風俗

世降

浮巧

化俗

吏治

核實

務真

古今人不相及

風靡

知人

相人

皮相

清議

蘆語上

目錄

四

卷之八

麈語下

卷之九

人品

猶龍

讀書聞道

是非

小心謹慎

英雄

蛟龍

成敗

英雄局面

士不遇

乞兒

愛憎毀譽

大英雄

卷之十

軒輊

目錄

五

持論

卷之十一

贗英雄

倖功

曹操

晉人

火蛾

寥廓

王戎

陶侃

庾亮

王導趙普

支月旦

半人

兩雄

梁武帝

高允

岳武穆

居鄉

真不真

我朝人物

風俗

華亭相

鄒爾瞻

趙文肅公

王元美先生

虞長孺

包孝肅

卷之十二

古人

庸奇論

清士

溪刻

卷之十三

異人

詹炎上

卷之十四

詹炎下

卷之十五

義士傳序

左儒傳上

其思革子

豫讓

青笄

張胥鄙

虞卿

貫高

樂布

灌夫

任安

孔車

張酺

云敞

劉茂

劉文饒

周嘉

禮震

楊政

李善

鄭弘

朱寵

陸續

廉范

樓護

繆彤

孫斌

景毅

李膺

郭亮董班楊匡

王成

朱震胡騰張敞

趙岐

巴肅

公孫瓚

申屠蟠

朱雋

孔融

趙戩

尾敦

田疇

臧洪陳容

王修

龐涓

孫禮

孫瑾張逸張瓚

戴就

牽招

沮授

王朗

郭憲

邴原

梁習

關雲長

袁煥

卷之十六

義士傳下韓玠

脂習

吳範

張紘

陸瑁

謝淵

楊阜

向雄

劉佑

馬隆

何攀

孫拯

江統

陶侃

俞縱

王安

羅企生

朱綽

華軼

孔祗

荀闔

高允

謝弘微

何無忌

邊榮程邕之

韓階

石崇

釋曇遷

呼延年

張進之

傅弘之

謝方明

莫嗣祖

蔡興宗

王份

吳達之

許明達

孔琇之

庾黔婁

李大亮

吳保安

王方翼

宋璟

李攜

狄仁傑

裴冕

荀巨伯

顏泉明

古押牙

陽城

徐晦

柳宗元

薛昭

王回

沈忠

趙時賞

劉子俊

唐珏林德陽

杜環

楊榮

康海

卷之十七

六經

道德陰符

文章

文行

求名

古今鉅文

三長

論詩文

卷之十八

詩文

錄詩

幽居詩

震旦篇

采真詩

詩選

卷之十九

遐覽

○博蒐_上

卷之二十

○博蒐_下

卷之二十一

博物知幾

通微

名言

異書

奇書

清穢

醉夢

遺名

巧拙

忘機

尊生達生

海外山川

卷之二十二

理樵

大化不齊

嬰兒

乘理

遺機

廣桑子遊

沈君典諸公遊紀

答友人

史彌遠

安義命

耳聰不入

瀕洞

卷之二十三

知命篇

上

卷之二十四

知命篇

上

卷之二十五

知命篇下

卷之二十六

知命篇下

卷之二十七

鹿園論

三教至處

清淨

虛靜

止宿

儒佛

密秘藏

與汪司馬論三教

人解

三教一道

與陸平泉宗伯

答張觀察論佛老書

毀佛

僊佛

聖人

三教相傳

三教螯螯

中庸

孔孟

度世

儒禪

俟定

圓通

三教

卷之二十八

佛名理

佛功德

懺悔

志大

不取

闡提

離境修行

卽境調心

一切惟心

虫食葉

捐身爲物

大小乘

世法

洪昉禪師

鹿園居士

禪淨土

像心

孫武進雜言

口實

布施

慈悲道場懺法序

宋法師

卷之二十九

佛道二藏

多寶藏

戒妄殺

戒殺文示諸子

戒殺放生文序

禮懺放生文

卷之三十

勸諭比丘文

放燄口疏

長水塔院記

起信論跋

論如果文

補陀山靈應傳

補陀洛伽山寶陀禪寺碑

招寶山補陀寺重修觀音殿募緣疏

重建天井寺募緣疏

補陀洛伽山記

補陀觀音大士頌

有序

補陀洛伽山志序

雙寺遊記

重修首山乾明寺觀音閣記

五臺居士頌

贈無盡燈上人序

卷之三十一

漢武帝

列仙傳補

瓊笈考

上

卷之三十二

目錄

三十一

瓊笈考

下

卷之三十三

諸真

鉤玄

動靜體用

卷之三十四

胎息

丹經品目

服食丹

靈真秘記

郁氏女

重修冲虚觀募緣疏

通玄觀重修三清殿募緣疏

卷之三十五

真妄雙遣

無欲

靈光

有無

空不空

澄朗

心境

消搖

知足

却見

心神

形神

心境

性物

清靜

識勝

去智

悟入

見性

物性

氣禁

妄離

頓漸

觀空

修空

虛無

空實

不著

叅破

性命

窮理

真我

真心

純心

降心

調心

調心有三難

心悟轉法華

養神

以神馭氣

卷之三十六

了義

公虛

忘覓

疑叅

去繫戀

凝神

形神

含光

死心

精專

提醒

覺悟

覺照

覺照貴早

絮沾泥

佛道離妄

夢境

常思

聞道

物化

舟筏

嬰兒

陰陽太極

大慧語錄

真正大英雄

真我

與王季夏言

玄覽

卷之三十七

天如答問

真定

破妄

撒障

剝情

解脫

知非

了手

慧業

供奉

宗行

苦行

資學

學道堅精

學道患有住

求真師

修悟

得一

空有

定慧

悟性

卷之三十八

智識

橫豎

目錄

二七

金
二
內外藥

慾清濁

返本還元

澄神養氣

收斂精神

實修實證

道驗

原道

無住

涉世出世

有爲無爲

無思無爲

無心無思

借假修真

學道因緣

坐禪

人我相

降伏其心

無畏

學道有魔

天道魔道

魔事

外道

煉睡魔

真諦

虛無

心如太虛

照忘

寶珠

爲不執

卷之三十九

廣陵語

曇師遺言

鄺子元

釋道欽

太清

好道

徐長孺

列子

讀書

答張文學成叔書

虞長孺

答虞長孺

與虞長孺

與趙汝師太史

與田叔

答汪文學

與彭欽之徐孟孺郁孟野書

再答馮開之

卷之四十

與虞長孺

與聞仲連

與王太初田叔二道友

答陸五臺司寇

與虞長孺道兄

與陳思進督府

與張洪陽司成

與龍君超

與沈純父

與鄧汝德少宰

生天

積善

覽物

沾沾文字

妄語戒

文傷率易

大義

歷代興亡

卷之四十一

因果

發蒙

冥報

冥事

冥報

冤對

圓照

周時化

回頭和尚

天然和尚

李含之

定命

陰陽

卷之四十二

十迷

楊萬春

天道

太上感應篇序

帝命

魚言

天命

目錄

三三二

秘受

朱汝虞

李觀察

御史舸

五聖神

鬼神

奇術

鬼侮

鬼神

獄鬼

關真君

告關真君疏

定數

劫數

卷之四十三

世界

天地大劫

心義

金方

藏拙

古今風俗

錢神

帝均

四大洲

三道

包荒

劉文饒

夢境

教子

多岐

綺語

地中仙都

不見不聞

地水

易理

盜言

省悟

大利

刺荒

卷之四十四

領略山水

愚公谷

論法

炎涼

辯狂

要言

成敗

與伍使君

與劉中丞

與丁右武

韓崇

湖歎

知分

夢醒

止足

堪輿家言

人我

豔歌

卷之四十五

銷夏言

上

卷之四十六

紀夢

溟滓子論不動心

爲善不徹

死節

誠僞

在宥

祝史

海覽

證道

書法

經傳

心行

書紳

耆龜

孟氏

應劭

柄文

芝草醴泉

辯神滅

相知

慾怒

交態

酒德

卜筮

卷之四十七

范孝子傳

上母太夫人九十序

與陸與繩司空

與王元美司馬

與馮開之

輕得失

上城隍疏

守藏吏

上官對

辭諸生

青浦風俗

元夕記遊

張元弼

拙宦

辯盜

謝巨室

凍卒

王元美先生

卷之四十八

恤囚

汪璠

王錦

書記欺詐

辯姦

匿名帖子

白冤卒

對部使者

辭窖錢

賑災傷

視河工

辭父老請修縣治

張萬良告殺胎

王強

卜寡女

王大京

辯黠囚

辯僞券

辯錢亨謀

潘麟

禁大秤

朱家仕

才與誠合

催科

臺使者

辯婦謀殺親夫寃狀

張龍公

高義

鴻苞集卷之一

明東海屠 隆緯真著

西吳茅元儀公選訂

松陵李嘉言孔彰校

二儀說

天地之所以成位者太極之理爲之主宰而陰陽五行幹旋造化也天地混沌至盤古氏開闢盤古以前其爲開闢而混沌混沌而開闢不知其幾矣豈有盤古以前向無天地向在混沌至盤古而後

開闢有天地耶天地之所以混而闢闢而混循環
轉轡而無端者何也太極之理不能不墮於陰陽
五行一墮於陰陽五行便有盈虛消息今夫四時
之序寒暑推遷萬物之生生死代謝寒暑生死此
混闢之小者也自無而倏有謂之造自有而倏無
謂之化陰陽五行流行運用久而漸敝滅息之幾
斯存陰陽五行醞釀伏藏久而漸開生息之理已
顯此天地之所以混沌開闢也天地之所以開闢
而不免混沌者陰陽五行代謝必至之期天地之

所以混沌而必有開闢者太極主宰真常不滅之理也氣有盛而必衰故闢久必混理無時而滅息故混久必闢譬如人之形骸氣也人之心靈理也形骸有壞而心靈未嘗滅也天地陰陽五行之氣混沌矣而太極之理未嘗泯滅爲之主宰成造復開天地天地旣立萬物漸生皆自然之妙不假安排者也天地混沌息極而消消者自消而非有物以消之也天地開闢消極而息息者自息而非有物以息之也究極而言之太極至清而一落陰陽

五行則有清有濁太極至善而一落陰陽五行則
有善有惡太極至醇而一落陰陽五行則有醇有
駁太極常真而一落陰陽五行則有成有壞所以
有混闢者陰陽五行之爲也所以混混闢闢而終
於不滅息者太極真常之爲也至人盡空萬物獨
寶靈明則超出於二五之外而渾全乎太極之真
天地有代謝而至人無死生古人云有物先天地
無形本寂寥能爲萬物主不逐四時凋嗚呼至矣
哉

言天體者三家一曰周髀二曰宣夜三曰渾天三家之說惟渾天爲得之其說曰天之形狀似鳥卵地居其中天包地外猶卵之裹黃圓如彈丸天半覆地上半在地下剛氣圍合包絡凝固不散大地孤懸虛空而無墜陷以此天上之星辰河漢懸空不墜亦以此但觀鷹鷂低飛兩翼搖動不止摩天而上兩翼平舒而不復動剛氣扶之也星辰時而有墜者大地時而有動陷者固結之氣或小有洩也人知大地之上有虛空不知大地之下亦有虛

空日月初出其形巨至中天其形漸小天地之東西相去差近上下相去差遠也古人云天體左旋以日月星辰之行而驗之夏日晝長夜短以日晝行度遠夜行度近冬日晝短夜長以日晝行度近夜行度遠惟春秋分晝夜均平者以日晝夜行度遠近均平自冬至起日晝行度漸遠故晝漸長自夏至起日晝行度漸近故晝漸短黃道赤道星曆家言之詳矣月之所以有圓缺者何也月無光映日而有光月體本常圓以映日有正側故月光有

圓缺也趙緣督曰如懸黑漆丸於簷下映日必有
光轉射暗壁其半邊因映日故有光而半邊元暗
也遇望與日度躔相對半邊之光全向于地普照
人間半邊之暗全向于天人不可見也及漸相近
而側相映則向地之邊光漸少矣至晦朔則與日
同經日與天近月與日遠其半邊之光全向于天
半邊之暗全向于地及相遠而側相映則向地之
邊光漸多矣月體之光暗半輪旋轉人目所不及
因謂其有圓缺耳其與月對望爲月所隔猶能受

日之光者陰陽精氣之潛通如吸鉄之石感霜之
鐘莫或間之也月明不全瑩而似瑕者如懸明鏡
照水處則瑩照地處則瑕世以爲山河所印之影
是也緣督此論不可易矣又曰陽精猶火陰精猶
水火則有光水則會影故月光生於日之所照月
魄生於日之所不照當日則光明就日則光盡與
日同度謂之朔衝分天中謂之望光盡體伏謂之
晦昏旦側見謂之弦此數語更明矣又曰月行於
白道與黃道正交之處在朔則日食在望則月食

日食者月體掩日光也月食者月入暗虛不受日光也日月星辰天氣所凝結而有光者而與人事往往相感應天之氣與人物之氣同類也人事得則日月光華星辰順度人事失則日月食珥星辰彗孛應若桴鼓也日月之食旣曰行度正交則是自然之度而以爲災異者何也有道之世日月雖正交月應避日而不食也日食書災月食不書者陽貴陰賤也星之北極南極不動者天之樞紐猶門之樞車之軸所以斡旋衆星者也金木水火土

五星謂之五緯木曰歲星火曰熒惑土曰填星金
曰太白水曰辰星并日月謂之七政二十八宿所
以分九州分野者天氣與地氣通故也人事不修
謫見于天或歲星食月或熒惑犯南斗北斗或太
白經天晝見甚者變爲妖星歲星之精變爲欃槍
熒惑之精變爲蚩尤旗填星之精變爲天賊太白
之精變爲天狗辰星之精變爲枉矢故爲政者不
可不謹也王者之德上格于天天爲之清不德則
日食星隕天譴告之也王者之德下格于地地爲

之寧不德則山崩川竭地譴告之也太極之理隨
於陰陽五行而有天地天地生人物而有人事究
極之則天地之所以混沌開闢而不已者人事爲
之也此聖人之所以重人事也

太極者理也又云無極者卽太極之理之至微至
妙者也非太極之外又別有無極也太極動而生
陽靜而生陰陰陽生水火木金土名爲五行五行
不外乎陰陽也天地不外乎陰陽五行之所成也
輕清爲天氣也重濁爲地形也形氣不外乎陰陽

五行也氣者陰陽五行之所見也形者陰陽五行之所結也人物者陰陽五行之所生也人事之吉凶休咎善惡成敗陰陽五行之生尅刑德所召也天地者形氣也而所以天天地地者太極也人物者天地之形氣所分也而所以人人物物者太極也太極具于既有天地人物之後而立于未有天地人物之先宰於天地人物之中而超于天地人物之表天地之太極人物之性靈是也

天地間之鬼神此必有者也太極陰陽理氣妙合

則靈具形氣而靈者爲人超形氣而最靈者爲鬼神人心本靈或礙于形氣鬼神旣超形氣故最靈也上帝者鬼神之至靈至尊者也先儒諱言鬼神云鬼神者二氣之良能帝者天之主宰之稱不過一理氣而已理氣主宰運行而成天地人物就運行而言謂之鬼神就主宰而言謂之帝就生出而言謂之人物烏有所謂端拱上清分列天曹職掌地府上帝百神哉胡其不經而恠誕也嗟乎人之生也固非冥然無知塊然一物也耳聽萬聲目視

萬形心通萬變可謂靈矣夫天地間非能自有此
人人非能自有此靈也太極陰陽理氣之所生也
太極理氣陰陽生人人何以料必不生鬼神也天
地間有具形氣而靈者何以必無超形氣而最靈
者也如以有鬼神爲怪誕則人生而耳能聽目能
視口能言心能思慮亦怪矣先儒之諱言鬼神有
二有學識不達直以鬼神爲必無有知其爲有以
爲近怪而當諱其意蓋云爲垂世立教當如是也
蓋恐啓天下後世諂瀆之端也乃愚則以爲此時

之垂世立教深宜言鬼神矣世人之爲善而不爲惡有得之性生者有得之學問者有不負本心者有顧畏名義者乃若下愚窮凶之人善根旣不得之性生修持又不知學問內之不難於負本心外之不復知畏名義第告以上帝可畏鬼神難欺或庶幾恐懼而少戢耳申生之得請于帝呂雉之遇蒼狗擗掖也司馬懿之凌達爲祟也桓溫之遇先帝形見也當此之時雖強如賁育猛如狼虎未有不震懾而悔罪者先此之敢于包休荼毒而無忌

則無鬼神之說誤之也幽厲桀紂秦始漢武天元
子業隋煬之爲帝王商臣豎牛田蚡梁冀董卓曹
操之爲權臣張角盧循祿山朱泚之爲盜賊殺人
無算罪惡滔天彼其必不知有鬼神故也使其知
有鬼神豈不可懼哉故無鬼神之說爲害不淺也
孔子不云乎敬鬼神而遠之何嘗言無鬼神哉言
無鬼神者陋儒也晉阮瞻作無鬼論一日遇鬼驚
怖而死旣言無鬼而遇鬼猶當勉自主持何至遂
驚胆而死乎其始亦何所見而妄持論乎愚願世

之君子必云有天地有人物有上帝有鬼神有善惡有報應而恐懼修省日有孳孳則大幸也

世又言有天地鬼神而不甚顯愚觀古今正直善良者多蒙福祐回邪凶毒者必受誅夷間有修正得禍者既享修名復有後報有奸回令終者既遺臭穢更禍子孫鬼神何嘗不顯赫哉人自迷而不悟耳

上帝七廟名山大川制之聖王載爲祀典有其祀必有其神聖人豈謂本無神靈而姑爲是虛文故

事哉第人必以修德行善而饗祀潔豐然後肸鬻
君蒿神降之福苟悖慢姪邪而徒事諂瀆神必不
祐何福之求季氏行僭竊而旅泰山始皇肆姪虐
而禪梁父武帝好殺戮而祀汾陰孝桓寵閹人而
祀老子觀其禱祠則如此按其行事則如彼德行
有負神明祝史不告貞信神豈饗之乎是故知鬼
神之必有又知鬼神之必不可徒諂則儒者之學
也

皇天者天神之最尊者也日月星辰風雲雷雨諸

神咸隸焉后土地祇之最尊者也山川嶽瀆城隍社令諸神咸隸焉尊神統其權出其令萬神分其職宣其教於是有糾察有考覈有賞罰有報應愚人以爲渺茫智者信其必有以爲渺茫而過日積信其必有而德日崇吾何爲而不信哉

儒者之不言鬼神謂言無鬼神則常也言有鬼神則恠也此亦衆人之見而已矣衆人生而耳目之所常經則以爲常生而耳目之所未經則以爲恠今夫日月朗然雷霆轟然雲霞晶然霜雪皚然風

卷八十一
飈然江海澎湃然山嶽突然卉木爛然孰造之而孰司之斯亦奇矣惟人生而習見之故不以爲怪若有一物向未嘗見而驟而遭之有不奔走而狂駭相告以爲怪事者乎明而有人物幽而有鬼神此理之常何足爲怪人物無識則以爲鬼神爲怪若使鬼神無識則亦將以有人物爲怪耶人夜行畏鬼則或自咳嗽或自謳吟多作不道而畏言有神明於是取而荒唐謬悠之是咳嗽謳吟之意也天地之生物也人之耳目口鼻千萬人皆同而千

萬人皆不混是孰爲埏埴乎鳥獸之毛羽蹄角千萬鳥獸各有種而千萬鳥獸各別是孰爲之主宰乎花木之枝葉形色千萬花木各有類而千萬花木各不亂是孰爲之剪裁乎人無羽毛則能製衣服鳥獸不能製衣服則生羽毛人好害鳥獸則善避而不與人習近燕與狸狔不善避而好習近人則使人自不生賊害鳥獸與人無害則處城郭而種類多虎狼蛇虺害人則處山林而種類少物性之不耐寒者則使之善伏藏物之不能恒得食者

則使之善服氣物之蠢而最無知者使之知順時
令逃寒暑遠害而全身天道亦大靈而巧矣豈徒
一蒼蒼灝灝之氣哉

天地有壞虛空不壞虛空有乎無也虛空無乎有
也虛空近乎遠也虛空遠乎近也虛空不可見乎
可見也虛空可搏乎不可搏也天地生虛空乎天
地不能也虛空生天地乎虛空不知也虛空幻乎
虛空不滅也虛空不幻乎虛空何物也大雲蒙之
夫風吹之大雷震之虛空也雲盡而朗然風止而

寂然雷收而闐然虛空也雖欲有壞烏得而壞之
至人之心虛空也天地之刳運有所以主宰之者
有所以感召之者主宰之者因感召之者而定主
宰之者無心也治亂興衰循環反覆雖曰有定數
然一視人事之得失如何人事常得則氣數常盛
人事旣失則氣數斯衰人事之得失有延促故氣
數之盛衰有長短上古聖人治世遠至萬歲帝王
盛時賢聖相繼而無有昏德不肖雜於其間氣數
亦久盛而不衰叔季昏庸惡逆接踵而出若六朝

南北五季奸雄擅命元惡流毒天下貼於水火豪
傑拯之甫臻小康轉盼之間尋復禍亂氣數盛衰
如反掌迅速天地氣運何嘗有一定之數哉氣數
盛衰本於陰陽五行消息盈虛之幾天地得而宰
其權天地亦不得而逃其數政以生人之受劫運
由人事之乖錯自取之人事失於下而劫運定于
上天地能降人以劫天地不能爲劫也雖曰人事
亦囿於氣數氣數終是人事所爲也故君子不論
氣數而論人事氣數久盛之後本有將衰之幾君

子知而力修人事天地豈曰人事雖善而氣數當衰求治而得亂求興而得亡無是理也譬人之死於水火雖由氣數若知而避之鬼神寧推而置之水火哉故愚嘗爲之說曰氣數有定乎曰有定定以人事也氣數不定乎曰不定不定以人事也

陰陽生人殺人者陰陽也草木生蟲蛙草木者蟲也至人雖生於陰陽而卒超出於陰陽已生而不生不生故不死

鼓一鳴而三軍進金一鳴而三軍退至人之心無

金鼓陽一舒而萬物茁陰一慘而萬物彫至人之
心無寒暑事一快而人情喜物一逆而人情怒至
人之心無喜怒境一來而人心擾境一去而人心
寧至人之心無去來孔氏之所謂絕四也道家之
所謂常清靜也如來之所謂生滅滅已也

天文之說諸曆家徃徃言之然天道遠人道邇卽
精其說者不能無或差錯晉張華淹博無不綜覽
太白晝見中台星坼禍在眉睫而猶然不知北魏
崔浩洞曉天文推步占驗明若觀火至譏漢史論

漢元年十月五星聚東井猶不免謬舛爲高允所
駁浩不服考之歲餘始謂允曰先所論者果如君
言五星乃以前三月聚東井非十月也允雖明曆
初不推步論說游雅數以災異問允允曰陰陽災
異知之甚難旣以知之復懼漏泄不如不知也世
之士大夫無輕譚星曆矣

之士大夫無不聞皇朝矣

異狀之甚難測以狀之野對敵戰不敗不味也
所不卦是信請執無建以災異聞之矣曰創制災
言立皇氏以前三日梁東共非十日也矣輟則
遇敵不期之悲翁故臨之曰夫何歸昔果敗者
萬天乎十日正皇梁東共非不免焉

天解

天之氣爲太清天之理爲太極天之神爲帝王清
之上實有是帝摠萬物生萬物威命靈爽端拱無
爲玄德默運真宰鑪錘經云昭事上帝又云上帝
臨汝聖人嘗顯言之後世俗儒乃云天者理而已
帝者天理主宰之稱非實有上帝之神何其陋哉
茫茫下土含靈爲人人之共主亦號爲帝乃謂玉
清之上無上帝之神獨一理眇茫生人生物是天
能生聰明靈覺而不能自有其聰明靈覺厥理杳

然厥氣漠然必如是而後謂之天乎其所謂無亦以其耳目之所不及世間耳目之所不及者多矣可盡謂之無乎又以其報應予奪生殺之權不大顯灼夫報應予奪生殺不大顯灼者帝之道大而體尊故宜爾似疎而密似隱而顯是帝之神道也今夫人中帝主高居九重尊嚴簡默非羣臣不得見非近侍不得親四海九州之人睹其丰神聆其謦欬者寡矣可亦遂謂之無乎且世間神明鬼怪妖祟往往有之書傳所紀載耳目所見聞何可掩

覆而謂上帝獨無陋矣推之而日月星辰風雲雷
雨山川社稷之神及諸天仙釋何所不有余友魏
允中嘗與余論及仙釋曰古今所傳仙釋果有之
乎余曰判剖以來有之至魏生而絕邪曰其道何
如余曰始乎人道合乎虛無曰人道吾儒中自有
之何必仙釋曰三教道一用處不同儒者修人道
而還造化其理實仙釋修人道而超造化其理玄
魏子曰人生靈秀寓爲形骸爾我皆在所謂仙釋
安在乎吾以爲盡幻妄耳卽神鬼妖怪怪摠之茫如

捉影捕風余曰宇宙大矣一切俱無而獨有其魏
子何其不見大也子不見聞世有見聞之者桃虫
生桃核獐羊生於土中彼將謂天地萬物俱何有
千萬世聖賢傳信經典豈盡誣乎且問子玉清之
上天帝居焉無邪有邪曰帝烏乎無曰子謂上帝
亦無則可帝誠有之則有天官萬靈行教宣化以
佐上帝邪正之氣雜揉不齊故又有妖怪而悉無
之天有孤帝爾非通論也物有麟鳳山有五岳人
中獨無三教之聖乎嗟乎天神仙釋一切皆無此

說若行憨愚怠棄而不修姦雄肆志而無忌爲害
不淺是余之所以嘒嘒也

然出其爲機也活磅礴渾淪其爲體也厚藏疾納
汚其爲量也弘理氣凝結者曰積塊天包地外地
立天中天氣無窮地形有限人在地上視以爲天
最高地最下不知地之下空處皆天也便地下無
天明根盤結實日月西墜後事從結實處行正氣
曰天位乎上地位乎下焉地卑乾坤定矣古者
定論如此若地下有天地則天地又在天地之下

初影神屋余曰宇宙大矣一切無靈則何有乎

子何其不見大也子不見幽世有見陽之貴也

生誕核積半生於土中彼將謂天地萬物俱何有

千萬世聖賢傳信經典豈盡誣乎且問子玉清之

上天帝居焉無邪有邪曰有焉乎無曰子謂上帝

亦無則可帝誠有之則有天官萬靈有教有化以

佐上帝邪正之氣雜揉不齊故又有妖怪而衆無

不惑是余之所以執執也物有諸厥山有五行人

結其不願愚意棄而不涉茲執執志而無以爲害

地解

柔順利貞坤之道也承天施行其爲德也隨吐納
蒸出其爲機也活磅礴渾淪其爲體也厚藏疾納
汚其爲量也弘理氣凝結名曰積塊天包地外地
立天中天氣無窮地形有限人在地上見以爲天
最高地最下不知地之下空處皆天也使地下無
天則根盤結實日月西墜後豈從結實處行乎或
曰天位乎上地位下天尊地卑乾坤定矣古聖人
定論如此若地下有天則是地又在上天又在下

陰陽高卑之理舛矣曰不然天尊地卑陰陽定理
天位乎地之上而氣包乎地之下何害其爲尊地
之下有天而天終在于地之上何害其爲卑

天言

子曰天何言哉蓋就人不時聞天言而云也非謂
天不能言也亦謂天不必言而時自行物自生也
宋人曰天何言哉豈有書乎是謂天必不能言必
無書徒冥冥漠漠之天也聖人又何必曰天高聽
卑天命有赫上帝臨汝無貳爾心人亦何必顧忌
哉庾黔婁爲父病籲天空中顯與之語梁天監中
雷震太陽門成字曰紹宗梁位惟武王夫與黔婁
語者非天之言乎書太陽門者非天之書乎天道

尊高時顯時晦其體宜爾若謂必無言必無書而
冥冥漠漠人亦何所忌憚哉人能言天亦何爲而
必能言也

說天

隆嘗覽先儒之言天者曰天者理而已又曰帝者
主宰之稱謂天不過一氣上浮一理主宰冥冥漠
漠無天帝無天神又謂雷者一氣搏擊無神謂星
斗日月風雷雨霜雪竝是一氣無神漢楊震四知
致堂氏胡寅曰楊震四知之對自古以爲名言君
子正之曰人與我可爲二天地則一而已天地非
惟不可以二言亦不可以知論知者有血氣心思
之性也寅之敢爲此言以誣天大類醉狂夢囈隆

不勝笑且怒也孔子之繫易辭曰天高地卑乾坤
定矣一天一地一乾一坤一高一卑判然二也古
者帝王蒼壁燔柴以祀天黃琮瘞埋以祀地子思
中庸曰郊社之禮所祀上帝也宋儒註云不言后
上者省文耳古人云皇天后土誰不知之胡寅乃
忽曰天地不可以二言又曰亦不可以知論則是
以天地爲蒼然一氣塊然一形冥漠無知之物也
宋儒動輒自稱誦法孔子孔子曰下學而上達知
我者其天乎寅謂震之云天知地知爲燭理未明

然則孔子之燭理亦未明也想寅信筆立論時偶
不及檢點孔子之言其孟浪如此不特誣天地又
誣孔子宋人之䟽狂大率類是嗚呼胡寅天地所
生一人耳天地生寅能有血氣心知能言語文字
而天地必冥然無知是何見也寅等之見謂天地
間止有寅等一種名之爲人者有血氣心知能言
語文字此外必無天神無地祇無仙無佛無鬼嗚
呼有則俱有無則俱無夫天神地祇仙佛與鬼旣
俱無矣何爲而獨應有寅等之一種人也寅等之

一種人盈滿世界彼此時時相見而不絕見天神
地祇仙佛與鬼故謂之必無不知天地之與人尊
卑隔絕也仙佛之與人清濁隔絕也鬼之與人幽
明隔絕也今上尊居九重自三公九卿朝臣而
外四海九州之臣民誰得而見之是亦尊卑隔絕
也名山洞府中溜流羽士闕迹弢光潛修高隱世
人誰得而見之是亦清濁隔絕也鵠鵠鬼車之爲
鳥狐狸野干之爲獸其性幽陰深夜乃出人亦不
得而時見之是亦幽明隔絕也且寅之所不得見

人之心即
天地萬物
之心也寅
天地無
心者固不
知人之即
心矣即亦
以爲天
地另有
心者不知

者多矣九夷八蠻侏儒鯢鯢遐荒絕域曠遠阻深
西隔弱水北絕胡沙東阻扶桑南窮瘴海寅之足
跡不得到目睫不得睹者何限也皆以爲無之可
乎寅以人有血氣心思故有知不知天地之所無
者或血耳氣之與心安得爲無也蒼蒼上浮茫茫
下凝純是一氣一則曰天心二則曰天意易亦曰
復其見天地之心乎豈曰無心然天有時乎雨血
江海河漢之水則地之血脉也謂血氣心思寅有
之而天地無之不幾于誣天地乎旣謂天地無血

人為天地
之心者也
均之未見
之也

氣心思而能生寅之有血氣心思者則亦安可度
其必無知也胡寅有知靈然洞然天地無知蒼然
塊然以蒼然塊然之物而生靈然洞然之人焉有
是理此輩非獨不廣覽佛道二藏亦不徧考儒書
經傳不窺性命之微不達天人之際愚不得已而
極陳之天人一理也人間有人主代天理物謂之
天子天所命也自盤古開天以至五帝三王秦漢
魏晉六朝隋唐五季宋元以至我 皇明中間君
有聖賢統有正閏要皆受天明命君國子民天命

所歸者雖百折千磨神靈助之終濟大業天命不屬者雖強梁雄霸事已垂成卒至敗亡使天而徒冥冥漠漠無思無知誰爲主張也人間有人主則有三公九卿百官萬民致治分猷而成世道天上有上帝則有仙卿真官千靈萬鬼宣教行令而成天道人道中有師保傳者人主之所賓師天道中有仙佛者上帝之所賓師乃至人道中禮曹翰林以掌禮樂文章法司理刑以掌法律刑獄天道中文昌斗府如人間之禮曹翰林地獄酆都如人間

之法司理刑無一而不有者也而上帝之羣靈聰
明英爽視之人中之聖智賢喆奚啻什百千萬過
之哉今攬撫二藏及儒書一二以明天道按楞嚴
經云隣於日月居須彌山腰有四天王天東南西
北四天王居之超日月明居須彌山頂有忉利天
梵言忉利華言三十三帝釋主之卽玉皇上帝此
天有三十三皆帝釋所統也忉利而上有焰摩天
梵言焰摩華言善時分日月所不能上照以蓮華
開合知時分耳焰摩而上有兜率陀天梵言兜率

陀華言知足又云喜足也云妙足此天有兜率內
院兜率外院內院乃彌勒菩薩居之以教天人成
佛兜率陀而上有化樂天有所受用隨念而至化
樂而上有他化自在天謂所須受用不思而至四
天王天忉利天一在須彌腰一在須彌頂俱不離
地謂之地居天焰摩兜率化樂他化自在俱在空
中謂之空居天已上謂之六慾天他化自在天而
上有梵衆天謂愛染不生無畱慾界身爲梵侶梵
衆天而上有梵輔天謂是人應時能行梵德梵輔

天而上有大梵天謂清淨禁戒加以明悟能統梵
衆大梵天王居之此三天名爲初禪天大梵天而
上有少光天謂此梵天統攝梵人圓滿梵行澄心
不動寂湛生光少光天而上有無量光天謂光光
相然照耀無盡映十方界徧成琉璃無量光天而
上有光音天謂吸持圓光成就教體發化清淨應
用無盡此三天名爲二禪天光音天而上有少淨
天謂圓光成音披音露妙發誠精行通寂滅樂少
淨天而上有無量淨天謂淨空現前引發無際身

心輕安成寂滅樂無量淨天而上有徧淨天謂淨
德成就勝託現前歸寂滅樂此三天名爲三禪天
徧淨天而上有福生天謂麤重相滅淨福性生福
生天而上有福愛天謂福無遮中得妙隨順窮未
來際福愛天而上有廣果天謂福德圓明修證而
住廣果天而上有無想天謂身心俱滅心慮灰凝
此四天名爲四禪天無想天而上有無煩天謂苦
樂兩滅鬪心不交無煩天而上有無熱天謂機括
獨行研交無地無熱天而上有善見天謂十方世

界妙見圓澄善見天而上有善現天謂精見現前
陶鑄無礙善現天而上有色究竟天謂究竟群機
窮色性性入無邊際此五天乃三果阿那含人居
之永不退還故名阿含天又名五不還天自梵衆
而下共十八天無有情慾但有色質名爲色界天
色究竟天而上有空處天謂消礙入空空處天而
上有識處天謂諸漏旣消無礙無滅其中惟畱阿
賴耶識於末那半分微細如是識處天而上有無
所有處天謂識心旣滅十方寂然無所有處天而

上有非想非非想天謂識性不動以滅窮研于無盡中發宣盡性如存不存若盡非盡是四空天并色質亦無惟有意識名無色界天天共有二十八慾界六色界十八無色界四是爲二十八也佛家謂少光無量光光音以至色究竟天雖大梵王有所不知惟佛知之按道書有三清太清元始天尊玉清玉皇大帝上清道德天尊元始天尊卽佛家所謂大梵天王也玉皇大帝卽佛家所謂忉利帝釋天主也道德天尊卽太上老君也又云玉清

聖境虛無自然洞真元始天尊上清真境玉宸道
君洞玄靈寶天尊太清仙境真元教主洞神道德
天尊已上謂之三清無上大羅金闕玉尊玉皇上
帝勾陳內座紫微上宮南極天皇大帝瑤天星主
紫微中天北極大帝承天效法厚德光大后土皇
地祇已上謂之七御高上神霄玉清真王南極長
生大帝統天元聖天尊高上清霄東極青華大帝
太一救苦天尊高上碧霄九天應元雷聲普化天
尊高上玉霄九天雷祖大帝除災濟物天尊高上

琅霄上清紫微碧玉宮太一
大天帝保制劫運天尊
高上太霄六天洞淵大帝
伏魔上上太一天尊
高上紫霄六波天主帝君
博施法潤天尊高上丹
霄九天益算好生司命可
韓司丈人真君朱陵度
命天尊高上景霄九天採
訪朱陵大帝保運妙化
天尊已上九霄又名九宸
九靈太妙白玉龜臺玉
光金真梵氣祖母元君卽
西王母東華木公道君
五方五老上帝九天生神
上帝三十二天帝君五
福十神真君福祿壽星真
君諸天帝后瓊闕高真

聖意先天斗母紫金妙相皇君摩利支天大帝圓
明道母天尊萬法教主北極祐聖真君玉虛師相
玄天上帝三天扶教輔元大法天師正一靜應顯
祐真君卽張輔漢太極左宮仙翁冲應孚祐真君
卽葛仙翁九州都仙太史高明大使至道玄應神
功妙濟許真君卽許旌陽已上三真通上北極祐
聖四真總屬紫微爲童初五府九天玄都御史神
烈吳真君諱猛大慈仁者高允宸照法王紫虛元
君卽南嶽魏夫人九天司命上卿三茅妙道真君

玉清演教紫清明道金闕殿仙進士白真人九天
開化文昌司祿宏仁帝君九天司馬監生大神衛
房聖母元君九天諸司真宰天曹大皇萬福真君
定名玉曆真君天曹諸司真宰日宮太陽鬱儀帝
君月府太陰結璘皇君以至各星君雷部各神將
吏各天將及風雲雨霜雪各有神各有名號不能
一一紀載又有上元一品九氣賜福天官洞靈元
陽紫微大帝中元二品七氣赦罪地官洞清元虛
大帝下元三品五氣解厄水府洞源元光大帝謂

之三官大帝中界則五嶽聖帝十山儲司佐命真
君天下名山洞天福地治化仙官下界則水府扶
桑大帝洞源暘谷神主三河伯四海龍王九江水
帝四瀆源王五湖大神十二溪真地司則土府高
皇大帝土主坤廣皇帝坤廣夫人勾龍后土神君
九壘地土皇君五方五土神君五土紫英夫人上
司千二百神幽冥則北陰酆都大帝冥府十王真
君三界諸神星羅雲布不能盡列此其大略而已
在佛道二藏所載章明較著如此儒者以爲出於

二氏不肯信也乃至六經者豈非孔子之所刪定
而儒者之所誦法者乎易云精氣爲物游魂爲變
是故知鬼神之情狀書云肆類於上帝禋於六宗
望於山川徧於群神禮記月令孟仲季春月其帝
太皞其神勾芒孟仲季夏月其帝炎帝其神祝融
中央土其帝黃帝其神后土孟仲季秋月其帝少
皞其神蓐收孟仲季冬月其帝顓頊其神玄冥又
曰天子五年一巡守歲二月東巡守至于岱宗柴
而望祀山川山川神祇有不舉者爲不敬不敬者

君削以地宗廟有不順者爲不孝不孝者君紂以
爵五月南巡守至于南嶽如東巡守之禮八月西
巡守至于西嶽如南巡守之禮十有一月北巡守
至於北嶽如西巡守之禮又曰祭法有虞氏禘黃
帝而郊嚳祖顓頊而宗堯夏后氏亦禘黃帝而郊
鯀祖顓頊而宗禹殷人禘嚳而郊冥祖契而宗湯
周人帝嚳而郊稷祖文王而宗武王燔柴於泰壇
祭天也瘞埋於泰折祭地也用騂犢埋少牢於泰
昭祭時也相近於坎壇祭寒暑也王宮祭日也夜

明祭月也幽宗祭星也雩宗祭水旱也四坎壇祭
四方也山林川谷丘陵能出雲爲風雨見怪物皆
曰神有天下者祭百神諸侯在其地則祭之亡其
地則不祭又曰帝牛不吉以爲稷牛帝牛必在滌
三月稷牛惟具所以別事天神與人鬼也萬物本
乎天人本乎祖此所以配上帝也郊之祭也大報
本反始也六經之言班班若是天地神明凜凜也
寧亦不可信耶且記云報本反始天地生寅寅謂
天地無知報本反始之爲何又左傳曰子產曰實

沈參神也臺駘汾神也山川之神則水旱厲疫之
災於是乎崇之日月星辰之神則雪霜風雨之不
時於是乎崇之內史過曰夏之興也祝融降于崇
山其亾也回祿信於聆隧商之興也禱杙次于丕
山其亾也夷羊在牧周之興也鸞鸞鳴於岐山其
衰也杜伯射王於鄩是皆明神之志者也又記稱
趙簡子秦穆公嘗神遊上帝之居帝饗以鈞天九
奏之樂七日而始蘇也此皆非二氏家所載寧亦
盡不可信耶季氏旅於泰山孔子曰曾謂泰山不

如林放乎蓋分明謂泰山之神聰明正直必不不
如林放也若云無神則泰山一塊然土堆而已孔
子豈謂塊然一土堆必不不如林放哉若泰山有
神天地諸神何爲盡無也今考名山記五嶽神名
居然可睹東嶽天齊仁聖帝南嶽司天昭聖帝西
嶽金天順聖帝北嶽安天元聖帝中嶽中天崇聖
帝皆有上仙掌治不可謂盡誣也如寅之論天無
血氣心思不可云知則是天果蒼然一氣也孔子
所云知我者其天乎是求知於蒼然一氣而已而

古聖帝之制爲祀天享帝之禮一不過祭蒼然一
氣而已亦可笑哉夫寅不足道也後世拘儒持論
大率如此誣天道誤後人關係不淺故不可不力
辯也嗚呼上帝臨汝赫然也百神布列森然也而
操莽溫懿林甫盧杞秦檜似道張角黃巢元禮俊
臣古今元惡大憝以至市井凶人尚恬不知畏若
云天地無知三界無神蒼然塊然冥然漠然則彼
凶人者亦何復顧憚不知此輩奚見焉而必持是
論也若欲自便而濟其私則此輩號爲儒者若爲

世立法則又胡可以訓也我朝劉基一代異人也亦狃於先儒之說曰雷者一氣無神愚授雷書真君天帝雷城將吏紛然基何所見而敢云無神及其臨終則謂其子曰吾北斗第六此或臨終而妄語也如其真也則北斗有神而雷乃獨無神乎此必不通之說也愚考白紫清雷府奏事章云陰陽二氣結而成雷既有雷霆遂分部隸九天雷祖因之以部析五屬神霄真王用之以宰御三界質之於金笈玉籙玉樞有五雷大洞之雷書有五雷

仙都之雷書有五雷北極之雷書有五雷太一之
雷書有五雷紫府之雷書有五雷玉晨之雷書有
五雷太霄之雷書有五雷太極之雷書有五雷一
一皆有其名不能盡載皇天建雷城設雷獄立雷
官分雷治布雷化示雷刑役雷神統雷兵施雷威
運雷器用之陰界可以封山破洞斬妖馘毒用之
陽界可以除兇誅逆伐奸戮虐章奏上太清玄元
太上無極大道太上道君虛無丈人太上老君太
上丈人天帝君天帝丈人九老仙都君九氣丈人

百千萬億重道氣十二百官君太清玉陛下景靈
琅書所載太上三五邵陽雷公五雷大法中主法
大帝有高上神霄玉清真皇長生大帝雷霆都司
元命真人許真君吳真君丁公至人傅宗師派有
六波天主帝君玉樞青靈帝君陳尼丸真人白海
瓊真人彭鶴林真人葉天根真人吳浦雲真人主
法之帝又有九天應元雷聲普化天尊五方雷霆
大帝君邵陽雷公火車將軍五師九將十二神吏
雷公電母風伯雨師五雷使者雷神之多一至於

此基都不能知而漫曰雷一氣無神何其陋也夫
殷傳說爲箕尾周張仲爲文昌周伯王蓬芮兩高
士爲瑞星蕭何爲昴宿東方朔爲歲星李白爲太
白古人往往有之則基之爲北斗第六理所有信
也但云雷無神妄耳夫雷未聞震帝王以帝王天
之子也殷王無道爲革囊射天獵於河渭暴雷震
歿罪惡太甚則不復顧其爲天之子雷無神而孰
主張是周王相成王有大勳勞武王之病周公爲
書告天願以身代精誠天心所鑒也管蔡流言周

公居東風雷發金縢書以感悟成王雷無神而又
孰主張是由此推之觀書肆類於上帝徧於群神
則知天有神也觀仲尼云吾聞堯率舜等登首山
睹河渚五老游河語帝曰河圖將來告帝大禹遇
男子衣赤衣曰蒼水使者授禹百川之理則知地
有神也觀宋景公出善言三而熒惑退舍月犯少
微而處士謝敷死三台中圻而張華誅唐太白犯
上相歷執法而李絳李吉甫武元衡三相皆不利
嚴光以足加帝腹太史奏客星犯帝座荀叔陳仲

弓會太史占德星聚則知星有神也赤松子神農
時雨師天下欲雨則五日爲行雨旬爲谷雨旬五
日爲始雨萬物咸利故謂之神雨武王伐紂將行
之日大雨散宜生占不利太公曰不然祖行之日
輜車至軫是洗濯甲兵也又風雨避灌壇令不敢
過則知雨有神也觀宋廷試唱韓琦名而太史奏
五色雲現則知雲有神也觀劉昆在江陵反風滅
火則知風有神也明明上帝主治上清何物而無
神何神而無知哉北人魏允中與隆辯無鬼神而

獨云有上帝隆以太清之上元然一孤帝折之允
中語塞未幾死矣古聖人云小心翼翼昭事上帝
又云上帝臨汝無貳爾心又云敬天之怒無敢戲
豫敬天之威無敢馳驅而乃敢云天無知此大罪
無赦也宋真宗行封禪天降天書此宵人僞爲之
也上天有書豈輕降人間有孫奭者言曰天何言
哉豈有書乎當時以爲名言若謂天必不能言必
無書亦誣也小子疑仲尼不言而何述仲尼曰天
何言哉時行物生言天道不必有言而時行物生

我不必有言而身教足述也豈謂天不能言哉上帝尊居太清之上寶相金口必有宣言雲篆仙書必有詔敕寧謂其漠無言無書第天語尊嚴不輕聞於凡耳天書秘密不輕傳於人間耳何則人王謦欬臣民難聞國書紫泥草茅叵睹何況巍巍上帝之尊高也隆讀道書上帝詔勅下及張道陵許旌陽諸真者爛於日星特不到下土尸穢處而遂謂其冥漠是蚍蜉蟻蠓之見也晉庾黔婁孝感天申反聞空中語曰非不鑒孝子之誠奈徵君壽盡

是天言之一端也宋王旦親見天文書王旦二字
是天書之一節也此一見於正史一見於旦傳非
齊諧小說也自開闢以來世界之事何者非上帝
之主宰玄造無私觀臨有赫人將欽翼虔恭凜凜
不暇而敢公然侈口而譚天道無知哉嗟夫世界
混沌長夜漫漫忽生一人開闢建立必有主張於
其間者而後無中倏有絕處逢生此天之有知也
三皇德足以皇天命之以爲皇五帝德足以帝天
命之以爲帝三王德足以王天命之以爲王此天

之有知也周德不衰列國失道則生仲尼以刪六
經王綱絕紐七雄淫奢則生孟氏以明仁義漢道
興隆則漢高產于沛上炎祚再昌則光武生於白
水神堯膺籙則文皇起於晉陽宋祚當陽則匡胤
鍾於夾馬此天之有知也維德格天維天眷德何
其不爽也軒皇時之蚩尤夏商之桀紂周之幽厲
秦之二世漢之桓靈晉之懷愍周之天元齊之子
業陳之叔寶隋之煬帝唐之僖昭宋之徽欽或凶
暴淫虐流毒生靈或孱弱昏庸貽禍四海不堪負

荷神器則亟易之而歸于真人明德此天之有知
也廢昏立明易姓授命又何其不爽也觀軒后一
夢六相響應顙頊一起九黎彌亂禋祀上帝后稷
誕生赤龍發祥丹陵孕育高襟襟玄祐飛燕肇契姬
訾秉靈帝儀挺摯虞姚遜野大麓不迷神禹理川
玄夷告順玄牝集命履乃凝圖良弼賚天丁以興
祚清渭於畋非熊徵夢黃鉞斯舉白魚入舟大風
忽起彭城解圍層冰倏堅滹沱師濟樓桑大耳示
兆樹陰吳興異人呈祥朱簡神光異表老惕蕭公

虎步龍行蚤占天子若此者非天之明命集於厥
躬胡以致河嶽獻奇神靈助采天之有知抑何於
昭也又不獨帝王爲然棄捐中野神物護持文置
邛中於菟穀養青齊傳國靈避灌壇東土避讒雷
明金札畱侯虎嘯黃石進書僧辨龍驤神人夾陣
長源仙骨天子燒梨天樂臨庭家人搗蒜稚圭定
策夢再捧天臚唱琦名雲占奏史孟子云五百年
必有王者興其間必有名世者豈偶然也哉天之
有知又何顯灼也無論大者梁鴻海島賈誼長沙

風送騰王雷轟薦福古今人之富貴貧賤生死壽夭成敗禍福一衣一祿一飲一啄皆不出真宰鑪錘人之才力智算何能爲也如拘士曲儒之論則是天無言而能制有言者之命天無知而能操有知者之權亦大奇矣且九州四海震旦特一國耳而十方三界何限也戴髮含齒人類特一種耳而天地神靈何限也拘士曲儒悉取而掃蕩之而獨有吾一種人類居此震旦一國中是猶核虫宛轉果核中而心口自語曰斯亦吾世界之至大託處

之至安吾核而外必無復物也人之本無也造之
而有人之本有也化之而無噓之而榮華摧之而
枯槁漂泊之而無住推盪之而不停皆天也吾之
櫛柄悉握于天而乃曰天無言也天無知也是猶
蟻之旋轉於磨中蟻不知而曰磨無能爲也道家
云三清之天又云九霄又有清微大赤禹餘之號
三清至元始天尊而極佛家乃廉之爲二十八
界色界無色界其言鑿鑿如此無乃不可信耶嗚
呼佛之成道與戒人拳拳以妄語爲禁豈禁人而

躬自作此大妄語也梵天而上復有諸天惟佛知之若不可信則佛說華嚴藏世界淨土香水海愈不可信而荒唐甚矣富貴家有大道有高門有華堂有密室有別業文石雕闌朱楹畫棟望見者以爲仙人之居也三家村貧子踐其大道叩其高門登其華堂目眩魂驚歎未曾有若再詫以密室之精別業之勝則非惟乍到貧子不能徧觀雖久客賓朋亦未必盡識也嘗試與茅菴土室之人談朱門華屋之景信不能及或以爲誑之耳村扉白板

而外有侯門相第侯門相第而外有皇居帝宮理也中土蠻荒而外有仙都天界仙都天界而外有香臺淨土亦理也儒者必廓爾心胸寬爾眼界可矣

鴻苞集卷之二

明東海屠隆緯真著

西吳茅元儀公選訂

宋之獻彥叔校

天道生物

溟滓子曰吾嘗靜觀細察而知天道生物之心無所不至也陰陽五行日月風雷雨露霜雪寒暑生殺無非以佐其生物之心物有怙惡不悛天怒之譴之疑不欲生之而其究終不忍遂盡棄絕水旱

疫癘刀兵天札陽九百六皇天之示罰深矣似不
復可挽回矣而苟見生靈之災禍已慘愚民之悔
咎方新則必惻然而急爲之洗滌掃除與之更始
如慈父於不肖之子罵詈捶楚出不得已固非其
心之所忍苟其子稍知懲艾則回嗔破涕拊愛卽
隨之天心亦如是耳今舉其微而顯者言之天之
愛物何周悉也婦人生子方其子未產則母乳不
生子長則母乳絕子甫墮地而乳卽生不先不後
胡其巧也初生之子茫然一無所知而獨知食乳

胡其靈也及其長也慮其饑則生五穀以食之慮其寒則生桑麻綿葛以衣之慮其疾則生百草以療之慮虎狼蛇虺能害人則驅之深山陰穴以遠之慮其勞苦則生牛馬驢騾以代之耳使之能聰目使之能視手使之能持足使之能行心使之靈明能思度覆露保愛一何周且悉也其於物也饑不能謀食則各生物以飼之寒不能謀衣則生毳毛以庇之鳥兩其足則生飛羽獸無飛羽則畀之四足蚊蚋蝥蟧之屬至爲微細而趨利避害亦得

與知其生物之心何所不至哉故人之四德以仁
爲首仁卽上天生物之心也人而好殺悖天心逆
人道常遇凶禍宜矣或曰天道有時乎殺物者何
也其所以殺之者正所以生之也人殺物以生物
則爲之

天形地氣

天之上盖有玉樓金闕天衣天饌天宮天女廣樂
九奏焉卽道家所稱鬱蕭之宮寥陽之殿彌羅之
館真實不虛夫天豈徒蒼蒼無一物者耶或曰子
無幻矣夫天積氣也氣何有形也樓閣宮殿形之
屬也古人云天積氣地積塊又云輕清爲天重濁
爲地如子之論則是天乃積形地乃積氣天不必
輕清地不必重濁古非定論矣曰天積氣也而有
形形亦氣也地積形也而有氣氣亦形也天雨毛

粟星隕爲石氣凝爲形故曰亦氣輕清居多山川
出雲人物呼吸形蒸爲氣故曰亦形重濁居多人
與地近見其重濁承載萬物人與天遠見其輕清
一無所有形氣從此分焉非寥廓之觀也地固有
形有質安知大地之下不更有空處乎從地而觀
天天氣輕清矣從地下空處而觀地地不亦輕清
乎何以明之山積形之高鉅者自遠而觀山山亦
輕清之天也天之輕清亦遠故也豈可以山之蒼
蒼與天一色而遂謂其非形質哉太清之上既有

帝矣卽種種名相必有無疑第皆一氣所化不築
而宮不縫而衣不炊而食不製而樂不胎而人斯
其所以爲輕清也與○日月升而沉沉而升升而
復沉沉而復升均此日月也海水潮而汐汐而潮
潮而復汐汐而復潮均此海水也土合爲瓦瓦解
爲土解而復合合而復解均此土也花木開而落
落而開開而復落落而復開均此花木也人物生
而死死而生生而復死死而復生均此人物也是
釋氏輪廻之說也俗儒不通方乃云人物偶然而

合偶然而散魂升魄降入於渺茫已矣安得死於
此復生於彼氣化玄宰新新不窮如釋氏之說人
物初生自開闢以來千回萬轉只此人物氣化不
既窮乎且言人物既死有冥府報應受諸刑罰形
骸已化魂氣雖存將何受刑乎溟滓子曰萬化混
混前者推之後者疊之以來爲往以往爲來故而
長新所以爲妙死於此而生於彼耳目覩記時時
有之何可厚誣也人能修大道證仙則仙證佛則
佛度世而超三界乃免輪迴其在衆生善惡福業

各爲因果作者爲因受者爲果修慧則得人中賢
聖修福則得人中富貴慧多福少則聰明而貧賤
福多慧少則富貴而頑愚福慧雙修則明君賢臣
福慧雙絕則傭保負販人業太重則化爲異類畜
業報盡則復還爲人此其大較也孔子云死生有
命富貴在天孟子云莫之爲而爲者天也莫之致
而至者命也命稟於有生之初一定而不易正以
其前生之福業有以招之因前世而昭報緣善惡
以定命明若縣鏡平若持衡清濁厚薄貧富貴賤

苦樂修短萬狀不齊帝命胡舛也是乃所以定於有生之初也以有前世之因在也不然人物未生善惡未著何親於帝而生而命厚何仇於帝而生而命薄一成不改乎故應直待其有生之後作善則厚其命作不善則薄其命隨時轉移以章賞罰何爲而預定於有生之初非今之所能移也儒者又爲之說曰命稟於有生之初非有前世之善惡定之也一氣混淪紛紜錯出清濁厚薄萬有不齊人物初生感其清而清感其濁而濁感其厚而厚

感其薄而薄命從此定遂不可移而必云宿世根
因亦幻妄矣曰造化之氣運於無心上帝之神肅
乎靈爽混淪錯出惟物所感則是造化之生物一
囊之倒屑也上帝之主宰如木偶之提戲也今夫
聰明善良之夫坎墮夭折蠢愚狡狠之子榮華壽
考當其命厚冥行妄作立可摧敗而累徼天幸終
以堅完當其命薄力計苦求必得饒益而神理撓
破卒與禍會若此者正爲大命以初定初定以宿
因故莫可改移也善惡之報應積於宿生而章於

今世也若本無宿生之善惡直以一時氣化感遇而然則生人之後胡不令得稍轉移以勸來者而必執之一成不改也是胡偶感之氣化而帝有成心也夫人死則神滅無復存理生則氣新非由宿世氣混混爾帝茫茫爾則是一氣蒸出如蚊蚋然偶蒸而爲人主偶蒸而爲公卿大夫偶蒸而爲衆庶乃有稱受命而爲帝王者爲受誰之命乎蓋受命於上帝也所受之命旣出自上帝則受命之時必先有一人生果有宿因而非偶然蒸出矣且

人之善惡必有報應帝王在服公卿百執事盈朝
人之賢良則有慶賞人之凶慝則有刑威陽報也
上帝端居天宮萬靈擁衛香花幢蓋以章善人地
獄刀火以懲惡逆陰報也作善降祥作惡降殃現
世報也死而天堂地獄再生而人道異趣未來報
也夫人間世之帝王公卿大夫衆庶皆上帝所生
也賞善罰惡皆上帝所宰也上帝能生帝王公卿
大夫衆庶以行陽報之事乃不能自有其天官萬
靈以章陰報之權乎莊子有言夏虫不可以語冰

世儒夏虫也堂堂上帝之事而世儒欲以曲局愚
鄙之見一切取而摧破無之斯諺所謂蚍蜉撼大
樹哉夫謂人死形骸已化魂氣徒存誰爲受刑罰
痛楚似矣殊不知人之受刑罰者形骸也而所以
覺痛楚者魂氣也使受在形骸而魂氣無與則死
人亦有形骸何故不知痛楚陽罰施於形骸陰罰
施於魂氣生則以覺爲受死則以受爲覺也帝能
使魂氣聚爲形骸不能使魂氣覺受陰罰乎今夫
人夢被撻而知疼是形受乎魂受乎知夢則知死

天不言

孔子曰天何言哉孟子曰天不言以行與事示之而已矣曰天何言曰天不言非謂其不能言也蓋天之體宜然也人主臨朝尊嚴恭默亦自有人君之體太清巍巍照臨下土而呶呶發言語於虛空中天之體褻矣天不言而時行物生無所事於言也豈以天之靈明而不能言如鳥獸木石哉物之不能言者非無聲則無知也天造化萬物賞善罰惡非無知也雷霆砰鉤風籟怒號非無聲也春秋

之時石言於晉非石言也天也漢宣帝時虫食葉
曰公孫病已生非虫書也天也雷書蝌斗非雷書
也天也叔虞母夢天謂武王曰今命汝子名虞余
與之唐及生子有文在其手曰虞非手書也天也
此猶有待於物者也宋王文正微時見天門裂大
書王旦二字則天顯然有書矣天顯然有書而不
常有者天之廣大深遠不可以知知不可以識識
也謂天無知天無言茫茫蕩蕩爾此姦人凶德之
所以接踵於世也或曰古稱補天射日乘龍觸山

玄夷赤雀戴勝虎齒登崑侖之帝所返頽陽掩北
斗姮娥奔天孫嫁伯有厲彭生崇臺駘妖怪誕不
經誑惑愚昧子不語怪爲慮深矣夫子不語耳非
無怪也帝命靈爽豈怪也哉云有怪則愚氓誑惑
故應以無救之云無上帝鬼神則奸雄恣肆故應
以有救之若一切俱無則凶毒荒淫快意當前唯
日不足矣人亦何苦而爲善何憚而不爲惡哉

日不與笑人亦何苦而為善何難而不為惡哉

以有郊之善一財則無損凶毒盡致於意當而聖

姑諷以無妹之云無上帝恩輒問我輩亦事姑諷

無到也帝命靈爽豈到也若云亦到則愚所語焉

豈瑞應愚相于不謂到也愚所語矣夫于不謂耳非

半歐城喪天將救而亦謂道主崇量福故到境不

支庚亦身獲祖氣固登真命之帝而或勝則神其

天地

天覆地載雨潤日暄雷動風散而後萬物生成然則天地雨日雷風專爲生萬物而有者耶曰不然有天地萬物蒙覆載矣有雨日萬物蒙潤暄矣有雷風萬物蒙動散矣譬之木茂而鳥棲木不爲鳥而有水漲而魚產水不爲魚而生又如麟鳳之見天下自覩禎祥焉王者之出生靈自被福澤焉云天地專爲生萬物而有亦淺之乎論天地矣然則萬物不必德天地耶曰蒙其生奈何不感其德也

漂母之飯原不爲淮陰亦無所望報然而千金之
酬亦何可已也德之奈何曰履信思順無忝所生
所以報也僕僕稽顙津津感激豈德天地之謂哉

天地道大

天地之所以爲大者覆載生成無所揀擇無所去
取包荒容惡藏垢納汚生之不思殺之不怒功大
不顯其能施大不責其報吐納元氣而無盡雕刻
萬形而不勞浮雲翳之而不加點長風濯之而不
加潔斯其所以爲大也聖人與天地同量其氣象
爲何如今人試自照度友少分與天地氣象相似
否無論庸庸者卽所稱賢人君子擇地而蹈擇人
而與籌策利害分別賢否潔已汚人是此非彼善

則健羨惡則瞋恚有恩唯恐人不德有能唯恐人不知洗滌則滓穢暫去懈弛則塵垢日增此去天地氣象亦遠矣安能與天爲徒超出塵埒乎

大地山川

佛氏謂造化混沌既久自然開闢開闢刼終又復混沌如此循環輪轉所謂千萬億刼也方其混沌茫茫空水大風吹之波濤湧起漸次結沫平者結爲大地高者結爲山岳山岳峯巒往往作波浪痕以理度之想當實然佛氏固不妄語元氣融而爲川結而爲山皆實理爲之也大地之形西北高東南卑故百川東之然亦就其通於東海者而言崑崙天下之中山形絕頂最高處東南西北皆下崑

崙東面江淮河濟諸水皆東流流沙以西水皆西
流南自吐蕃兩廣水皆南趨北卽沙漠直北虎林
至海都木鉢子田地地勢又逐漸而低水皆北流
大海之量百川歸之而不盈正以尾閭洩之從地
下空處轉輸復從西而東有所轉輸故云如沃焦
釜非謂水至此盡焦竭也山川出雲平地不見出
雲者大地唯有山川處最凝結而厚薰蒸醞釀雲
物故從此出也山多靈芝瑤草奇花嘉木仙靈寶
藏者亦以其氣厚於平地故也水多神龍蛟蜃魚

驚螺蚌明珠大貝珊瑚玳瑁波臣水怪者亦以其
氣厚於平地故也

人
然也

天地精華之氣

天地精華之氣凝結爲名山大嶽五嶽而外有三十六洞天七十二福地其餘靈品秀壤散在九州者不可勝紀俱有仙靈主之按五嶽記東嶽泰山嶽神天齊王領仙官玉女九萬人山周廻二千里在兗州奉符縣羅浮山括蒼山爲佐命蒙山東山爲佐理南嶽衡山嶽神司天王領仙官玉女三萬人山周廻二千里以霍山潛山爲儲副天台山句曲山爲佐理中嶽嵩高山嶽神中天王領仙官玉

女一十二萬人爲五土之主周廻一千里洛州告
成縣少室山東京武當山爲佐命太和三山陸渾山
同佐理西嶽華山嶽神金天王領仙官玉女七萬
主密周廻二千里在華州華陰縣地肺山女几山
爲佐命西域山青城山峨眉山嶓冢戎山西玄吳
山同佐理北嶽衡山嶽神安天王領仙官玉女五
萬人山周廻二千里在鎮州河逢抱犢山爲佐命
玄隴山崆峒山洛陽山爲佐理五嶽雖摠嶽神真
人亦有分理雜考傳記洞天福地而外亦尚有仙

靈散處洞壑今據所見聞廣成子栖崆峒紫府仙
人領青丘中黃丈人領青城竄先生治雲臺龍威
丈人領包山左神幽虛天赤松子領崑林方回領
五祚浮丘公司馬真人子微領天台王子晉真人
領桐柏金庭武夷君領武夷玉虛師相領翠嶺王
瑋玄領林屋韓崇領大霍山羨門子居蒙山黃初
平領金華裴君理西玄洞三玄極真天竄真君理
青城洞寶仙九室天西極西城真人王方平理西
城洞太玄摠真天王遙栖馬跡山王喬入東嶠山

太極真人杜冲領王屋山太清真人彭宗領赤城
宮太清真人宋倫司中岳嵩高山神仙之錄黃庭
真人王探領大有宮玄洲真人姚坦蒞玄洲白水
宮秦隴真人周亮領秦隴宮匡阜先生續領廬山
馬成子領鵠鳴山司馬季主理委羽洞大有虛明
天紫陽真人周義山領洞庭潛宮清虛真人王褒
理王屋洞小有清虛天樂巴居鶴鳴赤石山張輔
漢領龍虎山左元放慈居小括蒼山三茅真人茅
盈字叔申弟固字季偉衷字思和兄弟分治茅山

華陽洞趙廣信領東華虞翁生居陽谷朱孺子居
赤水積石臺韓偉遠居九疑山平仲節理括蒼洞
成德隱真天王道真栖鬼谷劉偉道居中山孫公
和登栖蘇門山陶通明弘景領都水許遠遊栖縣
雷山許長史穆子玉斧居雷平山葛仙公玄依皂
閣葛稚川洪理羅浮洞朱明曜真天楊真人義輔
佐東華許真君遜居玉隆謚母居黃堂趙子榮居
抱犢山潛山真君領潛山王夔佐小有洞天孫真
人思邈栖峨嵋山白鶚先生張果隱中條顏魯公

真卿居羅浮山間丘大方栖大滌洞西嶽真人馮
長西嶽仙卿李翼領西嶽韓西華栖嵩高軒轅先
生集居羅浮鍾離雲房居鶴頂洞純陽先生呂洞
賓領紫極沈廷瑞居玉笥施肩吾居西山竇真人
趙知微居九華王崇陽居全真陳希夷居華山程
太虛居南岷九華安妃領龜山中候王夫人領陸
渾雲華夫人領陽明洞天魏夫人華存治南岳太
真王夫人碧霞元君領泰山紫霞王夫人領羽野
右英王夫人領滄浪山南極元君領長離毛女栖

西華明香元君領五龍崗許母陶科斗位易遷宮
夫人樊夫人栖四明洞天皆地軸鈎連孔穴相通
仙真往來徙居亦無常處盖洞天福地玄聖靈人
氣適相應所以修真學道者必居名山小峯土阜
多爲鬼妖所據易生撓亂撓亂則真道難成矣

理數

天文地理人事及讖緯術數兵略醫卜皆不外乎
陰陽五行陰陽五行不外乎生尅所以然者以天
地世界人物陰陽五行所生故也有生則有尅此
氣化消息盈虛成壞一定之數也陰變陽化而生
水火木金土天一生水水最先生火木金土次第
生五行者陰陽所生出也然水又生木木又生
火火又生土土又生金金又生水五行又自相生
惟其有生是以有尅能生物又能尅物受物生又

受物尅生物又受物生尅物又爲物所尅此往來
循環一定之數也生者所勝尅者所不勝從所勝
則勝從所不勝則不勝勝在我我不知而爲彼乘
則彼反勝我勝在彼彼不知而爲我乘則我反勝
彼不勝在彼彼知而避則不勝移我不勝在彼我
知而避則不勝移彼奪其勝而歸我謂之反生移
其不勝而歸彼謂之反尅反生者物不能尅反尅
者物不能生此陰陽家至妙至秘非上智者不能
知也陰陽五行者氣也數也所以主宰之者有太

極之理在焉陰陽五行各互相勝不能勝理也甲子亾日也紂以甲子亾武王乃以甲子興均一甲子能亾紂不能亾武王何也紂暴虐有亾之理也武王仁聖有興之理也理當興數不能勝理也陰陽有壞至人獨存亦數不能勝理也

世人恒言道術道與術二也術者囿于陰陽五行之中者也道者超于陰陽五行之外者也郭璞知數而不能免刑戮管輅知數而不能免夭歿術也囿于陰陽五行之中故也萬物老歿而仙真獨存

至人規中以理
運氣故宇宙
在手造化皆
術士推數未
知一理故也

劫運既終而釋氏不壞道也超于陰陽五行之外
故也仙人與天地同壽佛氏則萬劫長存又迥乎
不同者何也仙性命雙修猶存形氣佛單悟般若
不落陰陽故也

陽大陰小陽全陰半陽剛陰柔陽明陰暗陽善陰
惡陽動陰靜陽暖陰寒陽盛陰衰此定數也天包
地外地固天中龍巨無量魚止尺寸此陽大陰小
也日輪常圓月光盈虧此陽全陰半也男子強悍
女子幽閑此陽剛陰柔也日照晝朗月照夕晦此

陽明陰暗也麟鳳晝出蛇虺宵行此陽善陰惡也
男性衢路女性閨閫此陽動陰靜也朱夏炎炎玄
冬烈烈此陽暖陰寒也花木之向陽者必長向陰
者多枯此陽盛陰衰也故陽常處其勝陰常處其
不勝此常也常則吉祥善事也陰勝其陽此變也
變則災害凶敗也天高而上地卑而下日明而晝
月遜而夕春夏主生秋冬主殺君子在朝小人在
野男子制義女子順從陽勝而陰不勝也常也月
反蝕日冬行春令君子在野小人在朝夫男不綱

婦執家政陰勝而陽不勝也變也

陰陽有各居其所有互藏其宅天覆地載日晝月
夜春生秋殺火溫水寒此陰陽各居其所也天高
而氣下降地卑而氣上升火外明而內暗水外暗
而內明男子純陽而終有離陰女子純陰而中有
坎陽此陰陽互藏其宅也

道化

上帝既清虛一氣邠得有宮殿樓閣之屬曰此大道靈光所化也世界人物俱從胎生獨金母木公輩乃從氣化仙人道士嘗化出宮室花木人物豈以天界清虛而不能化宮殿樓閣乎然此宮殿樓閣在縹渺虛無間固非拘形滯迹物而不化者佛氏謂山河世界從衆生識神妄因而立夫惟山河世界從識神妄因而立故拘形滯迹天上宮殿從大道靈光而化故縹緲虛無

理氣

太極者理也。陰陽五行者氣也。理以宰氣，氣以運理。氣如舟，理如舵。氣如車輪，理如車軸。原不相離。種種萬物皆從此生出。萬物局於形，二五囿於氣。非太極爲之主宰，形氣有時而息。槁木非無形而不能生長者，氣不屬也。土穴非無氣而不能變化者，理不屬也。

音駐不亂也

不詣主尋音隸不亂也土穴非無隸而不詣變也
非太赫為之主宰汗隸有却而息歸木非無汗而
駐駐萬財音鉅也土出萬財氣伏汗二正固伏隸
駐隸咬長駐咬林隸咬車鉅駐咬車鉅隸不駐鉅
太赫音駐也鉅則正行音隸也駐以宰隸隸以駐

駐隸

形氣

天氣也故無盡地形也故有盡或曰雖則無盡亦必應有盡曰必有盡者何言無盡也雖然六合之外聖人存而不論

罡氣

日月星辰倒懸於天萬古不墜者何天有罡氣也罡氣固結故弗墜也星辰有時而墮者氣微洩也大鳥低飛雙翅鼓動而不已及其挾浮雲摩太清翅平舒而不動飛漸高氣漸罡也

戰平後而後也

大自升必如雲霧而後下也

凡常因時而動者也

日民其必如雲霧而後下也

聖人

聖人

聖人

聖人

聖人

造物微權

天於富貴不甚愛惜惟清虛之福靳焉猾軟臃腫之夫終身福澤苟夙植粗濁之根卽以粗濁之福酬之肥羊美狔恣所厭飫體質日腴屠肆日近清虛好修者時加檢察時加摧抑名太高則毀敗道精進則魔試惡人多與福會善人多與禍會以此卒之福盡業增遂致沉淪身困道亨終爾超越是造物之微權也顏回原憲以清德輶軻雲長武穆以忠義殞滅屈於一時伸於萬世其爲福利大矣

天何嘗以蜉蝣晷刻之榮厚四子哉

陽九百六

陽九百六天之刼運也弇州引靈寶經陽九百六
刼之大者也陽極於九故云陽九陰極於六故云
百六卽陰六也小則三千三百年次則九千九百
年大則九九八十一萬年爲刼終也俯仰歷代叔
季亂亡國祚傾頽生靈塗炭皆當其刼運必有元
凶大憝爲之煽虐稔禍此豈但人力不可挽回卽
造物亦有不得而自主者禍亂旣極乃生一命世
英雄廓清掃除然則凶憝首禍英雄撥亂並皆受

命而出者也。凶愍果無罪乎？曰：天地間惡人與惡氣相感遇，長平之坑至四十萬，四十萬人運皆當死而白起之惡自不可逃。被坑者與坑人者同罹刦運者也。吾生而天性不好亂，天其命我乎？

陽九百六刦運所遭，似非關人事，亦以二氣雜揉人行凶德荒淫，穢殘虐吞噬醞釀，感召適與惡氣會耳。若清身有道之士，雖生丁其運，超然龍逝，趯然霞舉，禍亂何由而及乎？

寒暑

或問于張光氏曰天道有大寒大暑何也曰皆人心之寒暑所結也一念忿怒不火而熾一念恐懼不寒而栗二六時中萬物竝然以此感召安得不結爲陰陽寒暑二氣乎不然仙都佛國何以不聞大寒大暑哉得道之人夏不扇冬不爐寒暑不入其胸中故也

其解中效也

大寒大暑姑射遊之人夏不風冬不飄寒暑不入
靜然創則寒暑一氣平不然山濤將固何以不開
不寒而寒一六却中萬物並然以出類否安得不
心之寒暑而靜也一念念怒不火而熾一念怒
近問于郭丈曰天鼓亦大寒大暑何也曰昔人

寒暑

天界

自四王天起至他化天謂之欲界天自梵衆天起至色究竟天謂之色界天自空處天起至非非想處天謂之無色界天自四王起至他化共六天謂之六欲天自梵衆起至色究竟共十八天謂之四禪天十八天中分初禪二禪三禪四禪故謂之四禪天自空處起至非非想處謂之四空天忉利天此云三十三東西南北各八天中間帝釋主之共成三十三天從此土修持往生西方淨土謂之橫

出三界從欲界天升至非非想天而出生死謂之
豎出三界

雷神

天之有雷所以散重陰發陽氣蘇槁起蟄以生萬物也而有搏擊焉雷霆轟轟下擊萬物一氣奮洩有神實司之擊人物者罰惡也擊山林草木宮室者妖或馮之也非無神靈主宰一氣偶而漫擊也其所擊多治人宿生之業也擊多賤氓庸隸而絕不及貴人者氓隸之宿業必深貴人之宿業必淺也商武乙射天杖地則雷震及之其作過太重天道有時而顯也庸人無大顯過而雷及之者正以

治其宿世也若謂人止有現在亦無過去亦無未來則飛廉惡來窮奇檮杌白起王莽曹操盧杞秦檜諸人當受天誅孰先焉而當其身皆不及之其爲漏網甚矣而世人之受誅者皆未聞有顯過若此者天道不太疎乎忠臣孝子世爲天神亂臣賊子世受天討明明上天柰何不敬且懼宋儒迂偏持論好平而不達大道乃曰雷者天之怒氣人之惡氣適與之會嗟嗟雷自開闢常擊惡人不聞擊善人則誅惡之威章章矣乃必欲歸之適會是必

欲目神靈之天爲冥頑之天也意何爲哉劉青田
一代異人乃亦曰雷一氣無神青田猶云爾何況
庸俗人哉夫上帝主宰世界者也帝王受天之命
者也上帝在上萬靈布列爲臣子誰敢言太清之
上無上帝無萬靈乎有上帝有萬靈獨雷部無神
乎我高皇帝受天明命君臨六合青田以英喆
元勲佐之削伐誅賞霆擊飈馳而倡言雷一氣無
神是人主能秉其事權而天帝獨不能行其威令
也青田之識如此難以語天人之際矣伯溫臨卒

謂其子曰吾返吾故所居位居北斗第六夫雷無神而北斗獨有神乎身當北斗伯溫知之不宜矯誣雷獨無神若始時不知臨終而後知之則先之持論無乃太草草矣臆見妄語果何據而云乎○按白玉蟾充上清太洞寶籙弟子五雷三司判官知北極驅邪院事奏疏太清玄元太上無極大道太上道君虛無丈人太上老君太上丈人天帝君天帝丈人九老仙都君九炁丈人百千萬億重道炁千二百官君太清玉陛下云臣乃初霄典雷小

吏粗諳雷霆所典之事忝佩雷霆所授之書飽識
雷霆所行之法臣聞陰陽二氣結而成雷既有雷
霆旣分部隸九天雷祖因之以部析五屬神霄真
王用之以宰御三界如五雷者考玉樞之雷書曰
一乃天雷也二乃神霄雷也三乃水官雷也四乃
龍雷也五乃社雷也神霄之雷書曰一乃風雷也
二乃火雷也三乃山雷也四乃水雷也五乃土雷
也以至大洞雷書仙都雷書北極雷書太乙雷書
紫府雷書玉晨雷書大霄雷書太極雷書五雷神

號種種不同又世傳三十六雷皇天所以建雷城
設雷獄立雷官分雷治布雷化示雷刑役雷神統
雷兵施雷威運雷噐是皆幹賞罰之柄宰生殺之
權以之於陰界可以封山破洞斬妖馘毒以之於
陽道可以除凶誅逆伐奸戮虐天地之內萬物時
立未有不稟陰陽而生生者也所以有形有想者
爲人無形無想者爲鬼人處於陽鬼處於陰以是
而出入四生循環六道苟非天有雷霆則何以示
刑憲而訂頑愚者哉夫白紫清上章議勲賞功明

明上帝照臨有赫瓊琯真仙丹書具陳寧有得道
至人而矯誣謾語者邪劉文成何見不及此也燕
人育於越則不知燕之土地吳人長於楚則不知
吳之山川文成身爲斗皇而不知雷神又何望於
蚩蚩蠢蠢者乎成湯憂旱六事自責願以身爲犧
牲若天界無神爲牲將以何禱夫子疾病子路請
禱於上下神祇夫子不言無神而曰禱久也使威
靈顯赫如雷霆者尚屬茫茫一氣而無神然則天
上何物復有神乎自宋老措大倡爲無神鬼之說

于是云仙官亦無佛祖亦無山川社稷風雲雷雨
江河岳瀆之靈亦無天堂亦無地獄亦無報應亦
無輪迴亦無愚人執以爲實然而順無明恣恣臆
宜淫穢逞兇殘放禮法之外快耳目之前生而跟
踉蹌踉死而冥冥漠漠已矣嗟嗟一朝神靈在上
業報現前衆惡並論萬苦交煎明鏡莫逃躲閃無
所啜其泣矣何嗟及矣先死者知之而無處郵報
後死者不知而久滯迷途此所以罪過日積而醒
悟亡繇也則無神鬼之說誤之也晉郄超與汰法

師約先死者相報及汰師先行後報超冥司善惡
報應悉如人間所傳勸超力修德行以昇濟神明
古來幸有此公案而愚夫猶復不省也則無可如
何也已

金陵

王者建都居重御輕奔走萬靈宰制六合卜世卜年必擇善地義軒唐虞竝都西北時敦龐雄厚之氣維西北是鐘其後各乘便相機卜地定鼎而興衰綿促大都視人主之賢不肖矣漢高帝都關中曰西都光武都河洛曰東都劉先主都益州曰蜀都孫權都建業曰吳都曹操都鄴城曰魏都其後晉宋齊梁陳隋竝都建業曰南都至唐復都關中宋都汴梁其後高宗南渡則都錢唐主東都者則

曰河洛天下之中四時之所交風雨之所會陰陽之所和沂洛背河左伊右瀍土地平行四方道里適均玉帛朝宗寬夷洞達萬方輻湊周以久長卜年八百主西都者則曰洛邑雖天下之中土地平夷四面受敵無名山大川之限有德則易以王無德則易以亡關中天府百二之國左殽函右隴蜀被山帶川沃野千里阻三面而固守獨以一面東制諸侯此亦扼天下之吭而拊其背也又謂漢唐威武强大享國長久率以西都六朝建都金陵徧

安江左終不能混一區宇速取滅亡是則然矣然
秦不都關中乎當始皇據關阻險鞭撻四海囊括
六王則關中爲便二世不守沛公以一旅叩關而
入易於破竹安在其爲四塞扼吭拊背哉而漢唐
都長安最久亦以英雄帝業隆昌子孫善守固不
全賴地利婁敬張良謂河洛易亡然周以八百不
爲不長矣關中自昔稱英雄豪傑往往卜之至于
今日未必仍如舊時山川地氣古今不同今土地
物產財賦兵甲文武才略盛於東南矣而關中近

則邑里蕭條財物瘠薄絕無復曩時長安之盛令
帝王裹糧而西掩關塞土而局處於秦地吾未見
可以號令天下控制寰宇也我太祖高皇帝崛起
淮甸定鼎金陵成祖文皇帝駟逐胡元遷都
燕薊夫坐控幽燕彈壓戎虜南面而制天下成
祖神算長策勝矣然而公邇虜人只尺胡馬蕭牆
牀第不可不虞當有道全盛虜則願指氣使如駟
犬羊一或不戒戎立生心矣此豈高枕肆志之地
哉太祖聖明神武乃都金陵未必便爲失算議

者徒以六朝徧安謂金陵非建都之地不知六朝
之不能混一良由君臣狃於晏安溺於荒淫而無
大志遠圖豈江東之地不足以制勝天下哉善乎
李舜臣曰江東之地晉起西陵尾接東海其兵之
犀利銳足以破秦兵於鉅鹿其財之富厚足以復唐
祚於靈武自吳以下國于江東者凡六朝周瑜有
赤壁之勝祖逖有譙城之勝褚裒有彭城之勝桓
溫有灞上之勝謝玄有淝水之勝劉裕有關中之
之勝到彥之有淮南之勝蕭衍有義陽之勝諫慶

有洛陽之勝吳明徹有淮南之勝此十者皆起江東之師以取勝中原然終不能渡江而北定中原以一天下此非江東之地便於守而不便於攻蓋江東之人知有江東而不知有天下也使六朝君臣素有并吞之志先定規模於未勝之前而進乘機會於既勝之後則千騎萬乘起自江東而入中原蓋可以鞭撻四夷坐制六合誰謂江東土綿力薄而不足以舉天下哉其論精矣爲今之計飭戎政慎邊防北都固不可不加意而修宮闕護

陵寢南都亦不可不畱心南北竝重兩都控帶緩急有備計出萬全誠在事者所當講也然南北兩都相距數千里一時有變猝難策應以北則順天有巡撫矣而威令不易南下以南則淮安有巡撫矣而威令不易北上故宜擇南北之中於徐州設建牙開府重臣以固國家保障以通南北咽喉此方今第一急務也世不乏深思遠慮之士柰何不聞一念及此乎今之設官往往重北輕南士大夫深薄南僚以爲閒局是豈知國家根本重計者哉

南都本兵不可不慎選英偉忠篤之臣治兵講武
惡可緩矣





